



- (6) По завршетку календарске године књига евиденција мртвозорника се закључује и доставља на овјеру кантоналном министарству здравства, док се књига евиденција здравствене установе о извршеним прегледима лица умрлих током лијечења у здравственим установама доставља на овјеру стручном вијећу здравствене установе.

#### Члан 24.

- (1) Повјерљивост податка основно је начело које треба примјењивати при прегледу умрлог, односно утврђивању времена и узрока смрти.
- (2) Подаци о утврђеним узроцима смрти могу се користити само у складу са прописима о здравственој заштити, прописима о правима, обавезама и одговорностима пацијената, као и прописима о заштити личних података.

### IV. ЕДУКАЦИЈА

#### Члан 25.

- (1) Сви мртвозорници и овлашћени доктори медицине обавезни су завршити едукацију која се односи на мртвозорништво.
- (2) Програм едукације садржи:
- упознавање са прописима који се односе на преглед умрлих,
  - упознавање са раним и касним знацима смрти,
  - упознавање са повредама у циљу искључивања насилних узрока смрти,
  - подјелу начина на који је смрт наступила,
  - одређивање узрока и времена смрти,
  - правилно испуњавање потврде о смрти и морталитетну статистику,
  - практично извођење и технике прегледа умрлих.
- (3) Програм из става 2. овог члана утврђује Завод за јавно здравство Федерације Босне и Херцеговине (у даљем тексту: Федерални завод) у сарадњи са организационим јединицама за судску медицину медицинских факултета и удружењем судских медицинара.
- (4) Сагласност на програм из става 2. овог члана даје федерални министар здравства.
- (5) Едукацију из става 1. овога члана организују и проводе кантонални заводи за јавно здравство у сарадњи са организационим јединицама за судску медицину медицинских факултета и удружењем судских медицинара.

### V. КОНТРОЛА КВАЛИТЕТА РАДА

#### Члан 26.

Контролу квалитета рада мртвозорника и овлашћених доктора медицине врше Федерални завод, организационе јединице за судску медицину медицинских факултета, у сарадњи са кантоналним заводима за јавно здравство.

### VI. ПРЕЛАЗНЕ И ЗАВРШНЕ ОДРЕДБЕ

#### Члан 27.

- (1) Федерални завод утврђује Програм из члана 25. став 2. овог правилника у року од шест мјесеци од дана ступања на снагу овог правилника.
- (2) Мртвозорници и овлашћени доктори медицине су обавезни завршити едукацију из члана 25. овог правилника у року од 18 мјесеци од доношења програма из става 1. овог члана.
- (3) Мртвозорници и овлашћени доктори медицине именовани у складу с овим правилником, уколико у предвиђеном року не заврше едукацију из става 2. овог члана, бришу се из евиденције мртвозорника, односно овлашћених доктора медицине.

#### Члан 28.

Кантонална министарства здравства и здравствене установе дужне су ускладити своју организацију и рад са одредбама овог правилника у року од 12 мјесеци од дана ступања на снагу овог правилника.

#### Члан 29.

Даном ступања на снагу овог правилника престаје да важи Правилник о начину прегледа умрлих те о утврђивању времена и узрока смрти ("Службене новине Федерације БиХ", број 15/00).

#### Члан 30.

Овај правилник ступа на снагу осмог дана од дана објављивања у "Службеним новинама Федерације БиХ".

Број 01-37-5342/13  
02. октобра 2013. године  
Сарајево

Министар  
Проф. др. **Русмир  
Месиховић**, с. р.

Na osnovu člana 210., a u vezi sa članom 236. stav 1. alineja 38. Zakona o zdravstvenoj zaštiti ("Službene novine Federacije BiH", broj 46/10), federalni ministar zdravstva donosi

## **PRAVILNIK O NAČINU PREGLEDA UMRLIH, TE UTVRĐIVANJA VREMENA I UZROKA SMRTI**

### I. OPĆE ODREDBE

#### Члан 1.

Ovim pravilnikom utvrđuje se način pregleda umrlih, te način utvrđivanja vremena i uzroka smrti.

#### Члан 2.

- (1) Pregled, utvrđivanje vremena i uzroka smrti osoba umrlih izvan zdravstvene ustanove na području kantona obavlja doktor medicine (u daljem tekstu: mrtvozornik) kojeg imenuje kantonalno ministarstvo nadležno za zdravstvo.
- (2) Pregled, utvrđivanje vremena i uzroka smrti osoba umrlih za vrijeme bolničkog liječenja i stacionarnog zbrinjavanja u domu zdravlja obavljaju доктори медицине те установе које именује директор здравствене установе (у даљем тексту: овлашћени доктор медицине).
- (3) Мртвозорник и овлашћени доктор медицине морају бити осposobljeni за обављање прегледа умрле особе, утврђивање времена и узрока смрти, те испуњавање потврде о смрти на начин propisan овим правилником.
- (4) Мртвозорник је дужан код прегледа, утврђивања времена и узрока смрти особа умрлих изван здравствене установе посједовати iskaznicu.
- (5) Доктор медицине из ст. 1. и 2. овог правилника треба испуњавати опће увјете утврђене прописима о здравственој заштити, прописима о лијечиштву, као и увјете propisane овим правилником.

#### Члан 3.

- (1) Kantonalno ministarstvo zdravstva u skladu sa propisima o zdravstvenoj zaštiti utvrđuje organizaciju i rad mrtvozorničke službe kojom osigurava pregled, utvrđivanje vremena i uzroka smrti osoba umrlih izvan zdravstvene ustanove na području kantona.
- Pod organizacijom i radom mrtvozorničke službe podrazumijeva se:
- imenovanje potrebnog broja osposobljenih mrtvozornika, kao i uže područje na kojem će svaki od njih obavljati pregled umrlih, cijeneći broj stanovnika i udaljenost pojedinih naselja,
  - utvrđivanje postupka imenovanja mrtvozornika,
  - utvrđivanje vremena na koje se mrtvozornik imenuje,



- vođenje evidencije imenovanih mrtvozornika na području kantona,
  - osiguranje izdavanja iskaznice imenovanim mrtvozornicima čiji je oblik i forma propisan na obrascu koji je sastavni dio ovog pravilnika (Obrazac 1.),
  - određivanje visine naknade i osiguranje naknade za obavljanje pregleda umrlih osoba, kao i za putne troškove mrtvozornika,
  - osiguranje dovoljnog broja obrazaca potvrde o smrti, dozvola za sahranu, knjiga evidencija o obavljenim pregledima umrlih osoba, popratnica za prevoz umrle osobe na obdukciju,
  - pohranjivanje ovjerene knjige evidencija o obavljenim pregledima umrlih osoba,
  - informiranje javnosti o imenovanim mrtvozornicima, te o organizaciji i načinu rada mrtvozorničke službe,
  - obavještanje nadležnih matičnih ureda o imenovanim mrtvozornicima i ovlaštenim doktorima medicine na području kantona.
- (2) Evidencija mrtvozornika iz stava 2. alineje 4. ovog člana treba da sadrži:
- ime i prezime mrtvozornika,
  - godinu rođenja i mjesto prebivališta (adresa),
  - podatke o tome kada je i gdje osposobljen za obavljanje pregleda umrlih utvrđivanje vremena i uzroka smrti, te ispunjavanje potvrde o smrti,
  - područje na kojem mrtvozornik obavlja pregled umrlih,
  - dan nastupa mrtvozorničke dužnosti i dan razrješenja te dužnosti.

#### Član 4.

- (1) Direktor zdravstvene ustanove imenuje odgovarajući broj ovlaštenih doktora medicine za pregled, utvrđivanje vremena i uzroka smrti osoba umrlih za vrijeme bolničkog liječenja i stacionarnog zbrinjavanja u domu zdravlja saglasno članu 2. stav 2. ovog pravilnika, a u skladu sa unutrašnjim aktima ustanove, te o njihovom imenovanju dostavlja obavijest kantonalnom ministarstvu zdravstva prema mjestu sjedišta ustanove.
- (2) Podatke iz stava 1. ovog člana kantonalno ministarstvo zdravstva objavljuje na web stranici.

#### Član 5.

Imenovani mrtvozornici na osnovu člana 3. i ovlašteni doktori medicine imenovani na osnovu člana 4. ovog pravilnika mogu biti razriješeni dužnosti i prije proteka vremena na koje su imenovani, u slučaju:

- da izgube pravo na obavljanje liječničke djelatnosti u skladu sa propisima o liječništvu,
- nedostojnosti za obavljanje liječničke djelatnosti u skladu sa propisima o liječništvu,
- ličnog zahtjeva,
- smrti i
- dokaza o nepostupanju u skladu sa zakonom i ovim pravilnikom.

## II. PREGLED UMRLIH I UTVRĐIVANJE VREMENA I UZROKA SMRTI

#### Član 6.

- (1) Vrijeme i uzrok smrti utvrđuju se liječničkim pregledom umrle osobe, obdukcijom i drugim medicinskim metodama, te na osnovu medicinske dokumentacije.
- (2) Prilikom utvrđivanja vremena i uzroka smrti utvrđuje se i identitet umrlog.

#### Član 7.

- (1) Nijedan umrli ne smije se pokopati dok mrtvozornik, odnosno ovlašteni doktor medicine ne obavi pregled nad njim i utvrdi uzrok smrti.
- (2) Pokop umrle osobe obavlja se na osnovu dozvole za sahranu umrlog.
- (3) Pokop umrle osobe obavlja se u pravilu u vremenu od 24 do 48 sati od nastupa smrti.

#### 1. Pregled umrlih

#### Član 8.

- (1) Pregledom umrle osobe mrtvozornik, odnosno ovlašteni doktor medicine utvrđuje smrt, te vrijeme i uzrok smrti, bez provođenja obdukcije.
- (2) Pregled umrle osobe van zdravstvene ustanove obavlja mrtvozornik, u pravilu, na mjestu smrti u roku od 12 sati nakon prijema informacije o smrti.
- (3) U slučaju da prilikom pregleda umrlog mrtvozornik, odnosno ovlašteni doktor medicine posumnja na zamrlost, odnosno prividnu smrt, dužan je poduzeti i primijeniti potrebne mjere i radnje kako bi se otklonila sumnja ili potvrdila smrt.

#### Član 9.

- (1) Nakon što je utvrdio smrt, mrtvozornik, odnosno ovlašteni doktor medicine ispituje okolnosti pod kojima je ista nastupila i utvrđuje njezin uzrok i vrijeme.
- (2) Podatke o mjestu, vremenu i okolnostima smrti prikuplja od ukućana i drugih osoba koje takvim podacima raspolažu, koristeći za to i medicinsku dokumentaciju o liječenju umrlog.
- (3) Zdravstveni radnici i građani su obavezni dati mrtvozorniku, odnosno ovlaštenom doktoru medicine podatke koji su im poznati i omogućiti im nesmetano obavljanje pregleda.

#### Član 10.

- (1) Mrtvozornik, odnosno ovlašteni doktor medicine ne smije obaviti pregled umrle osobe koju je liječio neposredno prije njezine smrti.
- (2) Izuzetno od odredbe stava 1. ovog člana, ako na području za koje je imenovan mrtvozornik nema drugog mrtvozornika, kontaktira se najbliži mrtvozornik.
- (3) Liječnik koji je neposredno prije smrti liječio umrlu osobu, obavezan je mrtvozorniku, odnosno ovlaštenom doktoru medicine na njegov zahtjev omogućiti uvid u medicinsku dokumentaciju radi utvrđivanja uzroka smrti.

#### Član 11.

Prilikom ispitivanja i utvrđivanja okolnosti pod kojima je smrt nastupila, svaki slučaj smrti prema načinu na koji je smrt nastupila dijeli se na:

- a) prirodnu smrt,
- b) nasilnu smrt,
- c) nepoznato.

#### Član 12.

Kad mrtvozornik, odnosno ovlašteni doktor medicine, ustanovi ili posumnja da je smrt nastupila od zarazne bolesti obavezan je poduzeti mjere u cilju sprječavanja širenja zaraze i bez odlaganja obavijestiti nadležna tijela u skladu sa propisima o zdravstvenoj zaštiti i propisima o zaštiti stanovništva od zaraznih bolesti.

#### Član 13.

Ukoliko mrtvozornik, odnosno ovlašteni doktor medicine ustanovi ili posumnja da je smrt nastupila kao posljedica nasilja obavezan je o tome odmah obavijestiti kantonalno ministarstvo unutrašnjih poslova, odnosno najbližu policijsku stanicu, te osigurati da se ne izgube tragovi mogućeg krivičnog djela.



## 2. Obdukcija

### Član 14.

- (1) Obdukcija je vanjski pregled mrtvog tijela, pregled pojedinih organa i organskih sistema, kao i tjelesnih šupljina s ciljem da se na osnovu nadenih patoloških promjena utvrdi osnovna bolest i osnovni uzrok smrti.
- (2) Obdukcija može biti patološko-anatomska i sudsko-medicinska.

### Član 15.

- (1) Obdukcija se izvodi na zahtjev liječnika koji je liječio pacijenta, mrtvozornika, odnosno ovlaštenog doktora medicine ili na zahtjev porodice umrlog.
- (2) Obdukcija se izvodi i na zahtjev nadležnih istražnih organa.
- (3) Troškovi obdukcije se finansiraju u skladu sa propisima o zdravstvenoj zaštiti, kao i propisima o zaštiti osoba s duševnim smetnjama.
- (4) Troškovi prevoza na obdukciju čine dio troškova obdukcije i finansiraju se na način kao i troškovi obdukcije.

### Član 16.

- (1) Obdukcija se provodi u slučajevima definiranim propisima o zdravstvenoj zaštiti.
- (2) Obdukcija se može provoditi i iz drugih medicinskih razloga, a koji mogu biti sumnja na nasilnu smrt ili iznenadnu smrt kod koje je uzrok nepoznat, odnosno nejasan.
- (3) Obdukciju iz st. 1. i 2. ovog člana obavlja doktor specijalista sudske medicine ili doktor specijalista patološke anatomije, ovisno od konkretnog slučaja.

### Član 17.

- (1) Tijelo umrlog se upućuje na obdukciju uz Popratnicu za prevoz na obdukciju (Obrazac 2.) i Popratnicu za obdukciju (Obrazac 3.), koje čine sastavni dio ovog pravilnika.
- (2) Popratnica za prevoz na obdukciju se ispunjava u dva primjerka, od kojih prvi zadržava mrtvozornik, odnosno ovlaštenu osobu koja upućuje na obdukciju, a drugi primjerak se predaje vozaču.
- (3) Popratnica za obdukciju se ispunjava u dva primjerka, od kojih prvi zadržava mrtvozornik, odnosno ovlaštenu osobu koja upućuje na obdukciju, a drugi primjerak se dostavlja doktoru specijalisti sudske medicine ili doktoru specijalisti patološke anatomije koji provodi obdukciju.

### Član 18.

- (1) Doktor specijalista sudske medicine ili doktor specijalista patološke anatomije koji provodi obdukciju je obavezan o uzroku smrti obavijestiti:
  - tijelo nadležno za provođenje istrage, odmah po obavljenoj obdukciji, kada postoji sumnja da je smrt prouzrokovana krivičnim djelom ili u vezi sa izvršenjem krivičnog djela, i
  - mrtvozornika, odnosno ovlaštenog doktora medicine koji je uputio tijelo na obdukciju, po obavljenoj obdukciji.
- (2) Obavijest o uzroku smrti iz stava 1. ovoga člana mora sadržavati:
  - ime i prezime umrle osobe,
  - datum rođenja i jedinstveni matični broj,
  - broj osigurane osobe,
  - datum i vrijeme smrti,
  - dijagnozu uzroka smrti napisanu punim nazivom i okolnosti nastanka nasilne smrti.

## III. EVIDENCIJA I DOKUMENTACIJA PREGLEDA UMRLIH

### Član 19.

- (1) Mrtvozornik, odnosno ovlaštenu osobu nakon izvršenog pregleda, kad je nastup smrti utvrđen i uzrok smrti poznat, ako tijelo nije upućeno na obdukciju, ispunjava Potvrdu o smrti propisanu na obrascu koji čini sastavni dio ovog pravilnika (Obrazac 4).
- (2) Obrazac iz stava 1. ovog člana popunjava se u tri primjerka:
  - 1) prvi primjerak zadržava mrtvozornik, odnosno ovlaštenu osobu koja upućuje na obdukciju, kao prilog evidenciji o obavljenim pregledima umrlih;
  - 2) drugi primjerak mrtvozornik, odnosno ovlaštenu osobu koja upućuje na obdukciju, za potrebe sahrane umrle osobe upućuje:
    - članu uže porodice umrle osobe (supružnik i dijete), ili
    - članu šire porodice umrle osobe, ukoliko nema suprugu ili djeteta, ili
    - osobi koja je ovlaštena od porodice, ili
    - osobi/instituciji koja obavlja sahranu u slučaju da umrli nema porodice ili da su članovi porodice nedostupni;
  - 3) treći primjerak mrtvozornik, odnosno ovlaštenu osobu koja upućuje na obdukciju, dostavlja nadležnom matičnom uredu u roku od 24 sata po obavljenom pregledu;
- (3) Izuzetno, od stava 2. ovog člana, popunjava se i četvrti primjerak potvrde o smrti za slučaj da se umrla osoba prevozi u inostranstvo, odnosno iz inostranstva u Federaciju Bosne i Hercegovine radi ukopa, a za izdavanje sprovodnice za prenos umrlog lica (Obrazac 5.), a koji se dostavlja članovima porodice umrlog.

### Član 20.

- (1) Nakon popunjavanja Potvrde o smrti, mrtvozornik, odnosno ovlaštenu osobu koja upućuje na obdukciju, ispunjava Dozvolu za sahranu umrlog, propisanu na obrascu koji je sastavni dio ovog pravilnika (Obrazac 6.).
- (2) Obrazac iz stava 1. ovog člana popunjava se u dva primjerka od kojih se jedan zadržava u knjizi evidencija koju vodi mrtvozornik, odnosno ovlaštenu osobu koja upućuje na obdukciju, a drugi se upućuje porodici umrle osobe.
- (3) Prenos mrtvog tijela u mrtvačnicu groblja dozvoljen je tek nakon što je potpisana Dozvola za sahranu umrlog.

### Član 21.

- (1) Kada je provedena obdukcija tijela umrle osobe, Potvrdu o smrti i Dozvolu za sahranu umrlog ispunjava i dostavlja, u skladu sa čl. 19. i 20. ovog pravilnika, doktor specijalista sudske medicine, odnosno doktor specijalista patološke anatomije koji je obavio obdukciju.
- (2) Doktori iz stava 1. ovog člana dužni su voditi dokumentaciju i evidenciju o izvršenim obdukcijama u skladu sa propisima o evidencijama u oblasti zdravstva.

### Član 22.

- (1) U okolnostima kada je za utvrđivanje uzroka smrti potreban duži vremenski period, odnosno kada je za utvrđivanje uzroka smrti potrebno obaviti dijagnostičke metode kao što su toksikološke, patohistološke, DNK analize i sl., izdaje se privremena potvrda o smrti i dozvola za ukop, u kojem slučaju se kao uzrok smrti upisuje "in obs."
- (2) Kada se utvrdi tačan uzrok smrti popunjava se potvrda o smrti i dostavlja na način propisan odredbama čl. 19. i 20. ovog pravilnika.



## Član 23.

- (1) Svaki mrtvozornik, odnosno ovlaštení doktor medicine vodi knjigu evidencija o izvršenim pregledima umrlih osoba.
- (2) Knjiga evidencija iz stava 1. ovog člana sadrži sljedeće podatke:
  - prezime i ime umrlog (prezime prije zaključenja braka),
  - spol,
  - datum,
  - mjesto smrti - općina,
  - uzrok smrti,
  - tijelo upućeno na obdukciju,
  - primljeni izvještaj o obdukciji,
  - da li je i ko liječio umrlog,
  - datum i mjesto rođenja umrlog,
  - posljednje prebivalište - adresa,
  - državljanstvo,
  - bračno stanje uz prezime i ime bračnog druga,
  - prezime i ime roditelja (oca - majke), i
  - napomena.
- (3) U knjigu evidencija iz stava 2. ovog člana se unose hronološkim redom obavljani pregledi umrlih s podacima iz potvrde o smrti.
- (4) Knjiga evidencija o pregledu umrlih vodi se za svaku kalendarsku godinu posebno.
- (5) Pri zaključivanju knjige evidencija označava se ukupan broj obavljenih pregleda umrlih u toj godini.
- (6) Po okončanju kalendarske godine knjiga evidencija mrtvozornika se zaključuje i dostavlja na ovjeru kantonalnom ministarstvu zdravstva, dok se knjiga evidencija zdravstvene ustanove o izvršenim pregledima osoba umrlih tokom liječenja u zdravstvenim ustanovama dostavlja na ovjeru stručnom vijeću zdravstvene ustanove.

## Član 24.

- (1) Povjerljivost podataka osnovno je načelo koje treba primjenjivati pri pregledu umrlog, odnosno utvrđivanju vremena i uzroka smrti.
- (2) Podaci o utvrđenim uzrocima smrti mogu se koristiti samo u skladu sa propisima o zdravstvenoj zaštiti, propisima o pravima, obavezama i odgovornostima pacijenata, kao i propisima o zaštiti ličnih podataka.

**IV. EDUKACIJA**

## Član 25.

- (1) Svi mrtvozornici i ovlaštení doktori medicine obavezni su završiti edukaciju koja se odnosi na mrtvozorništvo.
- (2) Program edukacije sadrži:
  - upoznavanje s propisima koji se odnose na pregled umrlih,
  - upoznavanje sa ranim i kasnim znacima smrti,
  - upoznavanje sa povredama u cilju isključivanja nasilnih uzroka smrti,
  - podjelu načina na koji je smrt nastupila,

- određivanje uzroka i vremena smrti,
  - pravilno ispunjavanje potvrde o smrti i mortalitetnu statistiku,
  - praktično izvođenje i tehnike pregleda umrlih.
- (3) Program iz stava 2. ovog člana utvrđuje Zavod za javno zdravstvo Federacije Bosne i Hercegovine (u daljem tekstu: Federalni zavod) u saradnji sa organizacionim jedinicama za sudsku medicinu medicinskih fakulteta i udruženjem sudskih medicinara.
  - (4) Saglasnost na program iz stava 2. ovog člana daje federalni ministar zdravstva.
  - (5) Edukaciju iz stava 1. ovoga člana organiziraju i provode kantonalni zavodi za javno zdravstvo u saradnji sa organizacionim jedinicama za sudsku medicinu medicinskih fakulteta i udruženjem sudskih medicinara.

**V. KONTROLA KVALITETA RADA**

## Član 26.

Kontrolu kvaliteta rada mrtvozornika i ovlaštenih doktora medicine vrše Federalni zavod, organizacione jedinice za sudsku medicinu medicinskih fakulteta, u saradnji sa kantonalnim zavodima za javno zdravstvo.

**VI. PRELAZNE I ZAVRŠNE ODREDBE**

## Član 27.

- (1) Federalni zavod utvrđuje Program iz člana 25. stav 2. ovog pravilnika u roku od šest mjeseci od dana stupanja na snagu ovog pravilnika.
- (2) Mrtvozornici i ovlaštení doktori medicine su obavezni završiti edukaciju iz člana 25. ovog pravilnika u roku od 18 mjeseci od donošenja programa iz stava 1. ovog člana.
- (3) Mrtvozornici i ovlaštení doktori medicine imenovani u skladu s ovim pravilnikom, ukoliko u predviđenom roku ne završe edukaciju iz stava 2. ovog člana, brišu se iz evidencije mrtvozornika, odnosno ovlaštenih doktora medicine.

## Član 28.

Kantonalna ministarstva zdravstva i zdravstvene ustanove dužne su uskladiti svoju organizaciju i rad sa odredbama ovog pravilnika u roku od 12 mjeseci od dana stupanja na snagu ovog pravilnika.

## Član 29.


Danom stupanja na snagu ovog pravilnika prestaje da važi Pravilnik o načinu pregleda umrlih te o utvrđivanju vremena i uzroka smrti ("Službene novine Federacije BiH", broj 15/00).

## Član 30.

Ovaj pravilnik stupa na snagu osmog dana od dana objavljivanja u "Službenim novinama Federacije BiH".

Broj 01-37-5342/13  
02. oktobra 2013. godine  
Sarajevo

Ministar  
Prof. dr. **Rusmir Mesihović**, s. r.

**Obrazac 1.**

Iskaznica mrtvozornika je formata 105x75mm.

Prednja strana iskaznice:

FEDERACIJA BiH	fotografija 28x32 mm
KANTON	
ISKAZNICA MRTVOZORNIKA	
Ime _____	
Prezime _____	
Područje mrtvozorničke djelatnosti: _____	


Poledina:

“Mrtvozornik je ovlašten na osnovu Pravilnika o načinu pregleda umrlih, te utvrđivanja vremena i uzroka smrti obaviti pregled umrle osobe, ispitati okolnosti pod kojima je smrt nastupila, utvrditi uzrok smrti, uputiti tijelo umrle osobe na obdukciju, poduzimati mjere za sprječavanje zaraze, te obavijestiti nadležno tijelo unutrašnjih poslova u slučaju sumnje na nasilnu smrt.”

Datum izdavanja \_\_\_\_\_

Potpis kantonalnog ministra zdravstva i  
pečat nadležnog ministarstva

\_\_\_\_\_




**Obrazac 2.**

**POP RATNICA ZA PREVOZ NA OBDUKCIJU**

I. dio

VRIJEME PREGLEDA (datum i sat) _____
IME I PREZIME _____
DATUM ROĐENJA _____
MJESTO _____
DRŽAVA _____
PREBIVALIŠTE (boravište) _____
BRAČNO STANJE _____
MJESTO DOGAĐAJA _____
VRIJEME SMRTI (dan i sat) _____
PREVOZ IZVRŠIO (naziv firme, ime i prezime vozača, registarska oznaka vozila) _____

**Obrazac 3.****POP RATNICA ZA OBDUKCIJU**

I. dio

VRIJEME PREGLEDA

(datum i sat) \_\_\_\_\_

IME I PREZIME \_\_\_\_\_

DATUM ROĐENJA \_\_\_\_\_

MJESTO \_\_\_\_\_

DRŽAVA \_\_\_\_\_

PREBIVALIŠTE (boravište) \_\_\_\_\_

BRAČNO STANJE \_\_\_\_\_

MJESTO DOGAĐAJA \_\_\_\_\_

VRIJEME SMRTI (dan i sat) \_\_\_\_\_

PREVOZ IZVRŠIO (naziv firme, ime i prezime vozača, registarska oznaka vozila)  
\_\_\_\_\_

II. dio

DODATNO POJAŠNJENJE DOKTORU MEDICINE SPECIJALISTI PATOLOŠKE ANATOMIJE/SUDSKE MEDICINE O SAZNANJIMA S PREGLEDA

– je li umrla osoba liječena u bolnici i kada, te prepisati dijagnozu iz otpusnog pisma ili historije bolesti \_\_\_\_\_

– ponašanje umrle osobe neposredno prije nastupa smrti  
\_\_\_\_\_

– drugo \_\_\_\_\_

STANJE MRTVOG TIJELA I OKOLNOSTI PRONALASKA


– mrtvačka ukočenost \_\_\_\_\_

– mrtvačke pjege \_\_\_\_\_

– hladnoća leša \_\_\_\_\_

– truležne promjene \_\_\_\_\_

– mjesto na kojem je umrla osoba pronađena (soba, kuhinja, ulica, šuma, more ili drugdje, navesti gdje)  
\_\_\_\_\_



– opis položaja umrle osobe \_\_\_\_\_  
\_\_\_\_\_

– opis ozljeda umrle osobe \_\_\_\_\_  
\_\_\_\_\_

– popis lijekova pronađenih uz umrlu osobu (odvojiti ih i zajedno s umrlom osobom dostaviti na obdukciju)  
\_\_\_\_\_

– ima li u stanu plinskih instalacija (stanje instalacija i trošila)  
\_\_\_\_\_

– ako se sumnja u pad s visine, navesti od kuda je mogao pasti, s koje visine, na koju podlogu  
\_\_\_\_\_

– ako se sumnja na otrovanje drogama navesti predmete pronađene na mjestu događaja (igle, šprice, kašike, tragove praškastih tvari, ostatke medikamenata i folija); odvojiti ih i zajedno s umrlom osobom dostaviti na obdukciju  
\_\_\_\_\_

\_\_\_\_\_  
*Mrtvozornik/ovlašteni doktor medicine*









## II. dio

## IZVJEŠTAJ O UZROKU SMRTI

--	--	--	--	--	--	--	--	--	--	--	--	--	--	--	--	--	--	--	--	--

JMB

20	<b>Je li osoba liječena od bolesti (stanja, ozljede) koja je uzrok smrti</b>		
	Da ..... 1	Ne ..... 2	Nepoznato ..... 9
21	<b>Za umrle izvan bolničke zdravstvene ustanove</b>		
	Naziv zdravstvene ustanove u kojoj je liječen _____		
	Ime i prezime doktora primarne zdravstvene zaštite _____		
22	<b>Vrsta smrti</b>		
	Prirodna ..... 1	Nasilna ..... 2	Nije moguće utvrditi ..... 3
	a) zarazna bolest b) nezarazna bolest	a) nesretni slučaj b) samoubistvo c) ubistvo d) nerazjašnjeno	
23	<b>Da li je tražena obdukcija</b>		
	Da – klinička ..... 1	Da – sudsko-medicinska ..... 2	Ne ..... 3
24	<b>Uzrok smrti</b>		
	I. Dio		
	a) Bolest ili stanje koje je neposredno prouzročilo smrt*	Vrijeme proteklo od početka bolesti do smrti _____	Šifra MKB** [ ][ ][ ][ ]
	b) Bolesti ili stanje koje je pogodovalo ili dovelo do neposrednog uzroka smrti navedenog pod a)	_____	[ ][ ][ ][ ]
	c) Bolesti ili stanje koje je pogodovalo ili dovelo do neposrednog uzroka smrti navedenog pod b)	_____	[ ][ ][ ][ ]
	d) Osnovna bolest ili stanje koje je moglo uticati na bolest pod tačkama a) ili b) ili je neposredno izazvala smrt	_____	[ ][ ][ ][ ]
	II. Dio		
	Druga značajna stanja koja su pridonijela smrti, ali nisu s njom u uzročnoj vezi	Vrijeme proteklo od početka bolesti do smrti _____	Šifra MKB** [ ][ ][ ][ ]
	* Ovdje ne upisivati mehanizam smrti (npr. zatajenje srca i zastoj disanja) već bolest, ozljedu ili komplikaciju koja je prouzročila smrt		
	** Popunjava zdravstvena ustanova		
25	<b>Uzrok smrti utvrđen obdukcijom</b>		
	Da ..... 1	Ne ..... 2	
26	<b>Podaci o vanjskom uzroku nasilne smrti</b> (okolnosti nesreće ili nasilja koje su rezultirale smrtnim ishodom)		
	_____		
	Šifra MKB [ ][ ][ ][ ]		
27	<b>Vrijeme događaja (prema anamnestičkim podacima) koji je izazvao nasilnu smrt</b>		
	[ ][ ] dan	[ ][ ] mjesec	[ ][ ][ ] godina
	[ ][ ][ ] sat/čas	[ ][ ] minut	_____ dan u sedmici
28	<b>Ozljeda na radu</b>		
	Da ..... 1	Ne ..... 2	
29	<b>Mjesto gdje se dogodila ozljeda</b>		
	Kuća, stan ..... 1	Sportski objekt ..... 6	
	Proizvodni pogon, gradilište ..... 2	Polje, šuma, planina ..... 7	
	Ustanova za smještaj, bolnica ..... 3	More, rijeka, jezero ..... 8	
	Škola ..... 4	Javna ustanova ..... 9	
		Drugo mjesto (navesti) ..... 10	



**Obrazac 5.**

\_\_\_\_\_  
Naziv organa koje izdaje sprovodnicu  
*Name of authority which issues the laissez-passer for a corpse*

**SPROVODNICA ZA PRENOS UMRLE OSOBE  
LAISSEZ-PASSER FOR A CORPSE****a) PODACI O UMRLOJ OSOBI  
DATA ABOUT THE DECEASED PERSON**

1. Ime, očevo ime, prezime (za udate osobe ženskog spola i djevojačko prezime):  
*Name, father's name, surname (for married women also maiden surname):*

\_\_\_\_\_

2. Datum, mjesto i država rođenja:  
*Date, place and country of birth:*

\_\_\_\_\_

3. Državljanstvo:  
*Citizenship:*

\_\_\_\_\_

4. Sat, dan, mjesec i godina, mjesto i država gdje je nastupila smrt:  
*Hour, date, place and country of death:*

\_\_\_\_\_

5. Uzrok smrti\*:  
*Cause of death\*:*

\_\_\_\_\_

Šifra MKB-10:  
*Code ICD-10:*

\_\_\_\_\_

6. Da li je umrla osoba bila sahranjena?  
*Was the deceased person interred?*

DA  
YES

NE  
NO

7. Da li je umrla osoba umrla od zarazne bolesti?  
*Did the deceased person die from infectious disease? YES*

DA  
YES

NE  
NO

**b) OSTALI PODACI  
OTHER DATA**

1. Mjesto i država gdje će umrla osoba biti sahranjena?  
*Place and country where the deceased will be interred?*

\_\_\_\_\_

2. Prevozno sredstvo (marka vozila i registarski broj) kojim se obavlja prenos umrle osobe?  
*Means of transport (for motor vehicles registration number also)?*

\_\_\_\_\_

3. Država/-e tranzita pri prevozu umrle osobe na mjesto sahrane:  
*Transit country(ies) to the place where the deceased will be interred*

\_\_\_\_\_



4. Mjesto prelaska granice pri ulasku posmrtnih ostataka u zemlju u kojoj će se obaviti sahrana?  
*Place where the deceased will cross the border enter the country?*

---

5. Broj i datum rješenja kojim se odobrava prenos umrle osobe i naziv institucije koja ga je izdala:  
*Reference number and date of authorization for transport of the deceased and name of authority which issued it:*

---

---

6. Rješenje kojim se odobrava prenos umrle osobe izdato na zahtjev:  
*Authorization for transport issued at request of:*

---

7. Ime, prezime i adresa osobe u pratnji umrle osobe:  
*Name, surname and the address of the person accompanying the corpse:*

---

---

Datum izdavanja sprovodnice:

Potpis i pečat ovlaštene osobe/  
organa koje izdaje sprovodnicu:

*Date of issuing the laissez-passer  
for corps*


*The signature and stamp of the  
authorized person/institution for  
laissez-passer for a corpse:*

---

---

\*Uzrok smrti naveden u tački 5. ovog obrasca navodi se čitko, na jednom od službenih jezika Bosne i Hercegovine, i po mogućnosti na engleskom jeziku, uz navedenu šifru Međunarodne klasifikacije oboljenja (MKB) - 10. izdanje. Ako uzrok smrti nije naveden zbog čuvanja profesionalne tajne, onda dokument u kojem se navodi uzrok smrti treba da se stavi u zapečaćenu kovertu koja ide uz umrlu osobu tokom prevoza i da se predoči ovlaštenoj službi u državi/mjestu konačne destinacije. Zapečaćena koverta na spoljašnjoj strani mora imati identifikacione podatke umrle osobe i mora biti čvrsto spojena uz Sprovodnicu za prenos umrle osobe.

\*Cause of death, referred to under item 5 of this form, is to be written legibly, in one of the official languages of the Bosnia and Herzegovina, and, if possible, in English, with a specified code from the International Disease Classification (IDC) - 10th edition. If cause of death is not stated for reasons of professional secrecy then a certificate indicating the cause of death should be placed in a sealed envelope accompanying the corpse during transport and presented to the competent authority in the State of destination. The sealed envelope, which shall bear some external indication for identification purposes, shall be securely attached to the *laissez-passer*.



**Obrazac 6.**

Broj:.....

**DOZVOLA ZA SAHRANU UMRLOG/UMRLE**

Dana.....mjeseca.....godine.....sati..... pregledao/la sam  
mrtvo tijelo-leš umrlog/e.....u.....  
i ustanovio/la da je smrt nastupila dana..... 20 ..... godine u ..... sati.

Budući da u smislu Pravilnika o načinu pregleda umrlih, te utvrđivanja vremena i  
uzroka smrti ("Službene novine Federacije BiH", broj ...) ne postoji zapreka za  
sahranu, a potvrda o smrti je popunjena:

**DOZVOLJAVA SE  
SAHRANA UMRLE OSOBE S TIM DA SE IMA IZVRŠITI NAJKASNIJE**

dana..... mjeseca ..... godine ..... do .....sati  
.....

U..... godine.....

.....  
(potpis mrtvozornika/ovlaštenog doktora medicine)